


*KUKHALA WAMOYO,
KUFWA, KUWIKIKA MU
DINDI, KUWUKA, KWIZA*

 Ichi chikuruska waka chirichose ise tingamanya kuyowoya mu viyowoyero vya umunthu, za umo mitima yithu yikupulikira, muhanyauno, apo ise tikuwungana muno pa wakupatulika chomene uwu, mlenji wakupatulika. Mlenji uwu ukuyimira nyengo apo chisopo chikazgoka chenekocheneko, chifukwa ukaŵa kuwukaso kwa Mwana Winu wakutemweka Uyo wakiza kuzakawombora mtundu wose wa ŵanthu. Ndipo ise tiri muno mlenji uwu mu chikondwerero, cha kukuru kula, kutonda kukuru, Fumu, uko kukatipanga ise ŵachatonda ŵakuru ŵa vyose nyifwa, gehena na dindi. Ndipo ise tikumuwongani Imwe kuti, pati pajumpha virimika vyose ivi, ise tikuwungana ndithu mlenji pa mlenji uwu wa Isitara, kuti timusope Iyo, chifukwa ise tikugomezga kuti Iyo wazamkwizaso.

² Ndipo ise tikuromba kuti Imwe mutigowokerenge zakwananga zithu zose na majuvyo ghithu agho ghali kulembeka kususka ise, apo mwakujikhizga tikuvumbura kwananga kwithu, ndipo tikuzomera mphepisko Yake ku zakwananga zithu. Chizgani urwari uwo uli pakati pithu, Fumu. Tivwireni ise apo tikuŵazga Mazgu Ghinu Ghatuŵa, cheneicho ndi lufura la Maunenesko ghose agho Imwe muli kutilekera ise kuti tikhalirenge umoyo na kugomezga.

³ Ndipo ise nthu tikurombera gulu ili ilo lawungana muno, kweni wose charu zingirizge, pakuti ise tikulaŵiska na maso ghakunwekera na mitima ya kunwekera ku Kwiza Kwake. Ise tayimirira muhanyauno mu mdima, mu chitimbaheti, kuti para, pafupifupi nyengo yiriyose, kuti chifunthenkhu chinyake panji chingakwiya waka na chinyake, na kukhetemura batani, ndipo charu chose chingamanya kuphuliskika kuzgoka manyenyiswa. Umo kuli kuphalirika kwa ise na ŵamazaza ŵakuru, kuti, nkhondo yizamkuŵa waka ya maora ghachoko, usange ichi chizamkuchitikaso. O! Apo, ise tayimirira muhanyauno kufupi chomene na nkondo yinyake. Ntheura, Mpingo wayimirira kufupi chomene, chiwuka chauchindami chira, pakuti ise tizamkwapulikira muchanya pamoza na ŵatuŵa ŵakugona tulo, kuti tikakumane na Fumu mu mlengalenga, ndipo muyirayira kukakhala na Iyo.

⁴ Ise tafika kuzakamusopani Imwe, Fumu. Ndipo

mutipokerere ise muhanyauno. Tumbikani kuwazgika kwa Mazgu Ghinu, kwimba kwa sumu, kupharazgika kwa Ivangeli, pokererani malurombo gha wakurapa. Pulikani lurombo la warwari, ndipo jitorereni uchindami kwa Mwaŵene, pakuti mwakujikhizga ise tikuromba ichi mu Zina la Yesu, Mwana Winu. Amen.

⁵ Kwa imwe mwaŵeneimwe mukukhumba kuti mujure uko ise tiwazgenge mlenji uwu, kuwa Malemba githu . . .

⁶ Ndipo ise tikuphepiska kuti—kuti tikumanya kuti tilije malo ghakukhalamo gha gulu liweme ili la wanthu awo wafika mwakucherera chomene mlenji uwu kuzakasopa nase, kufuma ku mipingo yakupambanapambana na kufuma ku vigaŵa vyakupambanapambana, ndipo nanga ndi vyaru vyakupambanapambana, wawungana mlenji uwu pa Kachisi, ku chisopo cha kuchindikika chomene ichi cha Fumu.

⁷ Ine nkhukhumba kuti imwe mujure Buku la Masalmo, Masalmo 22. Ine nkhumanya agha ndi malo ghachilendo kughawazga, pa chisopo cha Isitara, kweni Chiuta ndi wambura kupulikiskika.

⁸ Ndipo sono para chisopo ichi chamara, ise tipumurengepo pafupifupi ora limoza, mwakuti imwe mungamanya kuruta ku chakurya chinu chamlenji. Ndipo ntheura chisopo cha Sande sukulu chizamuyamba pa nayini-sate. Ndipo ntheura para chisopo cha pa Sabata chamara waka, pawenge chisopo cha ubapatizo muno pa—chiziwa. Ndipo ntheura kumuhanya uku, pa sikisi koloko, makadi ghapemphero ghazamkuperekeka kunozgekera uteŵeti wa machirisko, usiku uwu. Ndipo usange imwe muli na wakutemweka wanyake awo mbarwari na wakusowerwa, kumbukirani kuti mwize nawo usiku uwu, ndipo, pakuti iyi yiŵenge nyengo yaumaliro kuti ise tingamanya kuwa na iyi a—pakanyengo, munthowa yiriyose. Ine ndinyamukenge mlenji, pa fayivi koloko, kuruta ku Los Angeles na kwizira Kuzambwe kwa Nyanja, ku mndandanda wa visopo.

⁹ Sono mu Masalmo 22, ise tiwazgenge.

Chiuta wane, Chiuta wane, kasi imwe mwandisidirachi ine? kasi mwaŵirachi kutali kundovwira ine, . . . na ku mazgu gha kutampha kwane?

. . . Chiuta wane, ine nkhumanya mu nyengo yamuhanya, kweni imwe mukundipulika yayi; ndipo mu nyengo ya usiku, ndipo ine nkhukhala chete yayi.

Kweni imwe ndimwe mutuwa, O imwe mwaŵeneimwe wa Israel wakumupani marumbo.

Wadada withu wakagomezga mwa imwe: iwo wakamugomezgani ndipo imwe nadi mukaŵathaska iwo.

Iwo ũakalira kwa imwe, ndipo ũakawomboreka: iwo ũakagomezga mwa imwe, ndipo ũakagongoweskeka yayi.

Kweni ine ndine mphorizi, ndipo munthu yayi; wakunyozeke na ũanthu, . . . wakayuyurika na ũanthu.

Wose awo ũakundilawiska ine ũakundiseka ine mwakunyoza: ũakundisepetulira milomo, ndipo ũakupukunya mutu, ũakuti

Iyo wakagomezga pa YEHOVA kuti iyo wamuthaskenge iyo: murekani iyo wamuthaske iyo, pakuwona kuti iyo wakukondwera mwa iyo.

Kweni imwe ndimwe mweneuyo mukandifumya ine mu nthumbo: imwe mukandisungilira para ine nkhaŵa ku bere la mama wane.

Ine nkhaperekeka kwa imwe kufuma mu nthumbo: imwe ndimwe Chiuta wane kufuma mu nthumbo ya mama wane.

Kukhala kutali yayi na ine; pakuti suzgo liri pafupi; pakuti kulije wakundovwira.

Nkhambako zinandi zandizingirizga ine: nkhabako zankhongono za Bashan zandinyekeza ine zingirizge.

Iwo ũandiyasamulira milomo yawo, nga ndi yakutwazura ndipo . . . nk Haramu yakubangura.

Ine nkhpungulika ngati maji, . . . viwangwa vyane vyose vyagwedezgeka mwa ine: mtima wane uli ngati phula; uwu wasongonokera mu matumbo ghane.

Nkhongono zane zakamuka ngati chiŵiya; . . . lilime lane lademerera ku chavu chane; ndipo imwe mwanditorera ine ku dongo la charu chapasi.

Pakuti ntcheŵe zandizingirizga ine: magulu gha ũaheni ghandijalira ine: iwo ũakavotora mawoko ghane na marundi.

Ine ningamanya kupenda viwangwa vyane vyose: kuti iwo ũakuwona ndipo ũakundilawiska ine.

Iwo ũakagaŵana vyakuwara vyane pakati pawo, . . . ũakachita mayere pa chakuwara chane.

. . . ntha mungaŵanga kutali na ine, O YEHOVA: . . . nk hongono zane, fulumirani kuti mundivwire ine.

Thaskani uzima wane ku lupanga; wakutemweka wane ku nk hongono ya ntcheŵe.

Ndiponoskeni ine ku mlomo wa nk Haramu: pakuti imwe mwandipulika ine kufuma ku masengwe gha njati.

Ine nithuwuskenge zina linu ku ũabale ũane: pakati pa gulu ine nimurumbeninge imwe.

Enya... Imwe mwaîweneimwe mukumopa YEHOVA, murumbani iyo; mose imwe mbewu ya Jacob, muchindikeni iyo; ndipo muwopeni iyo, mose imwe mbewu ya Israel.

Pakuti iyo nthā wayuyura nesi kunyanyiskika na kutombozgeka... nesi iyo wabisa chisko chake kwa iyo; kweni para iyo wakati walira kwa iyo, iyo wakapulika.

Marumbo ghane ghaîwenge kwa imwe mu gulu likuru: Ine ndifiskenge vilapo vyane panthazi pa iwo awo îwakumopa iyo.

Wakuzika waryenge ndipo îwakhutenge: iwo îwarumbenge YEHOVA awo îwakupenja iyo: mtima winu ukhalenge umoyo muyirayira.

Mpherekeazgo zose za charu zikumbukirenge na kung'anamukira kwa YEHOVA: ndipo mbumba zose za mitundu zisopenge panthazi pake.

Pakuti ufumu ngwa YEHOVA: ndipo iyo ndi mulamuliri pakati pa mitundu.

Wose awo mbakututuîwa pa charu chapasi îwati îwaryenge na kumusopa: wose îweneawo îwakuruta ku fuvu îwati îwagwadenge panthazi pake: ndipo kulije munyake wangasunga uzima wake wamoyo.

Mbewu yimutumikirenge iyo; iyi yizamkuîwerengekera kwa Yehova ku mphapu.

Iwo îzazamkwiza, ndipo îzazamupharazga urunji wake ku îwanthu ndipo îwati...awo îzazamkubabika, kuti iyo wachita ichi.

¹⁰ Nkhuromba Fumu yisazgireko vitumbiko Vyake ku kuîwazgika kwa Mazgu Ghake. Ine nkhukhumba kuti nditore nyengo iyi mlenji uwu, mazgu ghankhonde, ndipo pa mazgu ghankhonde agho kuyeza kuti ndimuwoneskeni icho chiri pa mtima wane, kwa imwe îwabusopa mlenji uwu. Ine nkhukhumba mazgu ghankhonde agha: *Kukhala Wamoyo, Kufwa, Kuîwikika Mu Dindi, Kuwuka, Kwiza.*

¹¹ Ndipo ine nkhughanaghana kuti mlembi wakachirongosora makora ichi mu sumu, za icho ine nkhukhumba kuti ndiyowoye, para iyo wakati walembe sumu iyi.

Kukhala wamoyo, Iyo wakanditemwa ine;
kufwa, Iyo wakandiponoska ine;
Kuîwikika mu dindi, Iyo wakayegha zakwananga zane;
Kuwuka, Iyo wakandirunjiska kwaulere muyirayira:
Dazi linyake Iyo wafikenge—o, dazi lauchindami!

¹² Kukaŵavye umoyo ukakhala umoyo ngati Wake, chifukwa Iyo wakaŵa Chiuta kuwonekera mu thupi para Iyo wakati wababika. Iyo wakaŵa kuwonekera kwa icho Chiuta Dada wali. Ndipo Chiuta Dada pakuŵa chitemwa, nthura Yesu wakaŵa chiwoneskero cha uzari wose wa chitemwa. Iyo wakaŵa chitemwa kufumira nyengo yenyira yakudankha apo mawoko Ghake ghachoko gha ubonda ghakakwantha matama gha mama Wake. Iyo wakaŵa chitemwa.

¹³ Ndipo ine nkughanaghana muhanyauno kuti apo ndipo ŵanandi ŵakutondekera kumanya kuti Iyo wakaŵa chitemwa. “Chiuta ndi chitemwa, ndipo iwo ŵeneawo ŵakumutemwa mbakubabika na Chiuta.”

¹⁴ “Chiuta wakatemwa chomene charu, ndiko kuti, ŵambura kutemweka, kuti Iyo wakapereka Mwana Wake yekha wakubabika, mwakuti waliyose uyo wakugomezga mwa Iyo waleke kutayika, kweni waŵenge na Umoyo wamuyirayira.”

¹⁵ Iyo wakawoneskera chitemwa Chake para Iyo wakaŵa pano pa charu chapasi, mu nthowa zinandi zakupambanapambana, mpaka ichi ntchambula kususkika kuti Iyo wakaŵa chilengiwa chakutemwa chomene icho chikaŵako. Ndipo ine nkughanaghana, mu umoyo Wake apa, Iyo wakawoneskeranga Chiuta. Ndipo nthowa yimoza pera iyo Chiuta wangawoneskekerera ku ŵanthu ndi kwizira mu chitemwa.

¹⁶ Ndipo Iyo wakachita makora ichi para Iyo wakati wasanga yumoza wa ŵanakazi ŵaheni chomene awo wakaŵako ŵa nyengo Yake, nkugomezga. Iwo ŵakamusanga iyo wakwananga waka, ndipo kukaŵavye nthowa yakuchimbilira, para iyo wakasangika mu chigoloro. Ndipo iwo ŵakaruta nayo panthazi pa Iyo, ndipo ŵakati, “Kasi Iwe ukuti tichite nayo vichi iyo?”

¹⁷ Ndipo para Iyo wakati wang’anamukira kwa iyo, ndipo, wakati, “Ine nkhususka yayi iwe. Ruta ndipo kukanangaso yayi.” M’malo mwakumuponya iyo kuwaro ku misewu, kuti ŵamukwekwete ngati muskambo wa mphumphi pa iyo, kuti ŵamubwanye na mawe na kutora umoyo wake; Wake wachisungusungu, mtima wa chitemwa ukanjira mkati nkhanira mu kwananga uko iyo wakaŵamo, wakati, “Ine nkhususka yayi iwe. Rutanga waka ndipo kukanangaso yayi.”

¹⁸ Ndipo para Iyo wakaŵa pa ulendo Wake kuruta ku dindi la Lazaro, ine nkughanaghana yira yikaŵa nyengo yinyake yikuru kuti Iyo wakawoneskera icho Chiuta wali ku ŵanthu. Ntha Iyo ndi Chiuta pera uyo wangamanya kugowokera kwananga kwapasi chomene uko kungamanya kuchitika, na kutora ŵakwananga na kuŵapanga iwo ŵambura kwananga, kwizira mu chitemwa Chake chakuŵagowokera, kweni pamanyuma pakuti nyifwa yatiŵika ise mu kachetechete, Iyo ngwakukhwaskika ndithu na ise. Ine nkughanaghana kuti

Iyo wakawoneskera makora icho pa ulendo kwendanga na Marita na Mariya, para Iyo wakati wafika ku nyumba uko nyifwa yikajalira kuwaro umoyo wa munthu wakutemweka. Ndipo pa ulendo Wake kuruta ku dindi, kweni, pakuwa Chiuta, wakamanya kuti Iyo wamuwuskenge iyo ku wakufwa, wakamanya kuti chikaphalirika kwa Iyo kuti mu Mazgu Ghake gheneghara mukaŵa Nkhongono yakumuwasuka iyo kufuma ku dindi; kweni, para Iyo wakati wawona Marita na Mariya na iwo weneawo wakamutemwa Lazaro, wakaliranga, Baibolo likati Iyo wakalira. Kasi chikaŵa chivichi? Mtima Wake ukuru wachitemwa! Para Iyo wakati wamuwona munthu yura, ndipo Wake—wabwezi Wake wakaŵa mu suzgo, Iyo wakasuzgika nawo pamoza.

¹⁹ Ine ndine wakukondwa chomene kumanya kuti Iyo wangamanya kusangika pakati pa wakusweka mtima. Mu vitima vithu, Iyo nthu ndi mweneuyo wangatisida ise. Iyo wakuyima pafupi nase para wose watondeka, ndipo vigomezgo vyaumaliro vyakusangika pacharu chapasi vyafika ku umaliro wake, Iyo ndi Chiuta ndipera ndipo Iyo wakutitemwa ise. Iyo wakaŵa kuwoneskera kwa Chiuta.

²⁰ Ndipo, o, umo ine nkugomezgera kuti Iyo wakukhumba wanthu Wake kuti waŵe wakuphakazgika chomene na Mzimu Wake, mwakuti ise tingamanya kuruta kwa yumoza na munyake mu viyezgo na mu masuzgo, na kupereka chiwoneskero cha lusungu Lwake, apo ichi chikupunguka kufuma mu mitima yithu iyo yiri kubabika na Mzimu Wake, kuti tiwariskire mu mpingo chitemwa cha Chiuta wamoyo. Chira chikawoneskera makora icho Iyo wakayowoya, panji, mlemi wakayowoya, “Kukhala wamoyo, Iyo wakanditemwa ine!”

²¹ Iyo wakawoneska icho Iyo wakachita ku mtundu wose wa wanthu, umu Chiuta wakajiwoneskera Iyomwene mwa Yesu Khristu. Iyo wakawoneskera malingaliro Ghake ku mtundu wa wanthu, kugowokera na kutemwa iwo weneawo wakaŵa wambura kutemweka. Ndipo ine nkhumanya yayi, pa mlenji uwu wa Isitara, umo ise tikutondekera kuŵa nacho icho. Ise tikumanya kutemwa iwo weneawo wakutitemwa ise, kweni Iyo wakatemwa iwo weneawo nthu wakamutemwa Iyo.

²² Iyo wakaŵa mukuru chomene, mwimiliri wakudankha, wa chitemwa icho chikafika pa charu chapasi; ndipo wakanyozeka na iwo weneawo wakakhala pa charu chapasi, ku weneawo Iyo wakatemwa. Kukaŵavye munthu wakamanya kutemwa ngati Iyo; ndipo kukaŵavye munthu wakatinkhika ngati Iyo. Iwo wakamutinkha Iyo ndipo wakamuyuyura Iyo, ndipo wakamukana Iyo, kweni ichi nthu chikalekeska chitemwa Chake. Chaumaliro, para Iyo wakalenderanga pa mphinjika, pamanyuma pa umoyo ula uwo Iyo wakakhala ukachita chinyake yayi kweni vinthu viweme, kugowokeranga wakwananga, kuchizganga warwari, na vinthu waka ivyo

vikaŵa viweme. Para Iyo wakaŵa...mvuchi waumaliro pa mphinjika, na viheni, kunyoza kwakuthunyirikira mata, gha iwo ŵeneawo ŵakayimirira kufupi, kulenderanga ku chisko Chake chakupatulika Iyo wakalira, na mtima wakuzura na chitemwa, “Ŵadada, ŵagowokereni iwo, pakuti iwo ŵakumanya yayi icho iwo ŵakuchita.”

²³ Iyo wakamanya kupulikiska. Pakuŵa Chiuta, Iyo wakupulikiska. Ndicho chifukwa Iyo wakamanya kutitemwa ise para tikaŵa ŵambura kutemweka, chifukwa Iyo ndi Chiuta ndipo Iyo wakupulikiska. “Kukhala wamoyo, Iyo wakanditemwa ine.” Kukaŵavye umoyo ukawaŵako ngati uwu, chifukwa uwu ukavungirizgika mu chitemwa.

²⁴ “Kufwa, Iyo wakandiponoska ine.” Nyifwa, nyengo yira mu munda wa Eden, Chiuta Yehova wakakhumbanga, chilango cha kwananga ndi nyifwa, ndipo pakaŵavye kusintha. Nthena chikachitika munthowa yinyake yayi, kachitiro kanyake. Chifukwa, Chiuta ndi wapachanya, ndipo Iyo walije mphaka, ndipo ndi Mweruzgi wa Kuchanya kose na charu chapasi. Chilango cha kwananga ndi nyifwa, ndipo kukaŵavye munyake uyo nthena wakalipirira munyake chilango ichi. Pakuti munthu waliyose, nangauli iyo panyake wangafwira munthu munyake, kweni iyo wakaŵa wakwananga kwamba na kwamba. Pakaŵavye yumoza wa ise uyo wakamanya kovwira munyake, chifukwa tose tikaŵa ŵakwananga. “Ise tikubabikira mu kwananga, tikukulira mu upuyi, tikwiza ku charu tikuyowoya mautesi.” Ndipo pakaŵavye kuŵara kwa chigomezgo, palipose. Ise tikasuskikira ku nyifwa, na Chiuta, ndipo chilengiwa chirichose icho chikayenda pa charu chapasi chikaŵa pasi pa kususkika uku. Ŵakaŵako ŵanthu ŵarunji ŵakababika na kuchita vinthu vikuru, kweni iyo wakaŵa wakwananga kwamba na kwamba.

²⁵ Kukaŵa nthowa yimoza pera yakuti uwu ungalipirika, ndipo yira yikaŵa nyifwa ya Chiuta Iyomwene. Ntheura Chiuta, pakuŵa Mzimu, nthena wakafwa yayi, kweni Iyo wakiza mu thupi la munofu ndipo wakajiwoneskera Iyomwene mu umoyo wa chitemwa; kuti watore uweme wose ula uwu Iyo wakaŵa, na kuwupereka uwu mwakukhumba ngati Sembe yapachanya, mwakuti Iyo wangamanya kutora mlandu wa wakwananga. Ise tose pakuŵa ŵakwananga, ndipo kukaŵavye nthowa mu charu yakuti ise nthena tingaponoskeka. Iyo nthwa wakiza pa charu chapasi kuzakawoneka pera, kweni Iyo wakiza kuzakafwa ngati Sembe.

²⁶ Abel wakawoneskera ichi para iyo wakapereka kwa Chiuta sembe yiweme chomene kuruska ya Kayini; para iyo wakiza na mwanamberere muchoko, na chipitika cha mpheka wakurunga mu singo lake, kuruta ku jarawe. Kula kukagona kanthu kachoko pa jarawe, wakaguzira kumanyuma chilevulevu chake chichoko ndipo, na a—jarawe, wakacheka chigolomiro chake

chichoko; ndipo aka kakalira ndipo kakafwanga, ndipo ndopa kupilirikanga, ndipo weya wake uchoko utuŵa ukazumbwa na ndopa. Abel wakawoneskera Mphinjika kula.

²⁷ Para Mwanamberere wa Chiuta, wakakomeka kufuma ku mtendeko wa charu, wakiza kuzakatora malo gha ŵakwananga ŵakususkika, ndipo wakatimbika na kupwetekeka, na—na kunyozeka ndipo ŵakamuhoya, ndipo wakafwa nyifwa iyo kulije chilengiwa chikamanya kufwa kupaturako Chiuta Iyomwene, ndipo weya Wake wa ndopa kulenderanga ku mapewa Ghake, kuthonyeranga pasi, vikawoneskera kasi ndi chinthu chakofya uli icho kwananga kuli, para Iyo wakayenera kuti wafwe kuti wawombore munthu ku umoyo wa kwananga. Kukaŵavye chinyake chikamanya kufwa ngati nthaura. Kukaŵavye chinyake chikamanya kuzizipizga nyifwa yira. Ili likayowoya kuti, “Para iwo ŵakati ŵavotora kulwandi Kwake, kuti, kukafuma Ndopa na maji.”

²⁸ Ichi chikaŵako nyengo yinyake kale, ine nkhayowoyanga kwa munyake za ichi. Ndipo wakaŵa wasayansi uyo wakati, “Kuli nthowa yimoza pera umo chira nthena chikachitikira. Ndipo nth chikaŵa chifukwa cha mkondo wa Chiroma, kuti Iyo wakafwa; ndipo nesi kukaŵa kutayika kwa Ndopa, kuti Iyo wakafwa, chifukwa Ndopa zikaŵamo ndithu mu thupi Lake. Icho chikamukoma Iyo, nth chikaŵa chifukwa cha mkondo wa Chiroma panji mizumali iyo yikakhomeka mu mawoko Ghake, panji mphumphu ya minga iwo ŵakaŵika pa mutu Wake. Kweni chifukwa . . . Iyo wakafwa na chitima, chifukwa Iyo wakiza ku Ŵake Yekha ndipo Ŵake Yekha ŵakamupokerera yayi Iyo. Iyo wakafwa na mtima wakusweka. Penepapo, Iyo wakamanya kuti vilengiwa vyenevira vya nyengo, ivyo Iyo wakafwira kuti wawombore, vikamuthunyira mata ku maso Kwake, ndipo Iyo wakakanika na munthu.”

²⁹ David, virimika eyiti handiredi pambere ichi chikaŵa chindachitike, wakalira na lizgu lenelira ilo Iyo wakachemerezga pa Mphinjika, “Chiuta Wane, kasi Imwe mwandisidirachi Ine?”

³⁰ Ndi chinthu chakofya uli icho kwananga kukuchita, uku kukumupatula munthu kufuma kwa Chiuta! Ndipo Iyo wakaŵa sembe ya kwananga iyo yikayenera kuperekekerera zakwananga zithu. Ndipo Iyo wakapatuskika ku Kuŵapo kwa Chiuta. Kwananga kukamupatulako Iyo. Chiuta wakaŵika zakwananga zithu pa Iyo, ndipo Iyo wakapatukako kwa Chiuta, ndipo ndicho chifukwa Iyo wakalira, “Kasi Imwe mwandisidirachi Ine?” Ndipo pakuti Iyo wakakanika, ndipo wakatora malo agha, ndipo wakawona ŵanthu Ŵake, awo Iyo wakiza kuzakaŵa Muponoski wawo na kuti waŵape iwo Umoyo, iwo ŵakamukana Iyo, ndipo ichi chikamukwenyerezga Iyo, chomene, mpaka Iyo wakasweka mtima chomene mpaka Ndopa na maji, na vyakupangira vya thupi Lake, vikapatukana.

³¹ Munthu wazamkumanya yayi kasi chira chikaŵa chivichi. Ndicho chifukwa kukaŵaye munyake wakamanya kufwa ngati nthaura. Ine nkhopwerera yayi kwali iwe ungatombogeka chomene uli, umo kuti iwo panyake ŵangaŵika marundi ghako mu makuni, panji kukudumura iwe, mu vipitika, panji kukuwotcha iwe mu vipitika; iwe ungafwa yayi nyifwa yira, chifukwa kapangikiro kako kali ngati nthaura yayi. Iyo wakayenera kuŵa Chiuta. Iyo wakayenera kuŵa, mukuru kuruska munthu. Ndipo kughanaghana, kuti, Chiuta wakafwa. Iyo wakafwa chifukwa cha kusweka mtima, na kukwenyerera kwantheura chifukwa cha charu, mpaka kuzizimuka kwa vyakupangira kukachitika mu thupi Lake uko nthena kukachitika yayi mwa imwe. Imwe mungasuzgika yayi ngati nthaura. Kulije nthowa yakuti imwe mungaŵa na mtundu ula wa kukwenyerezgeka. Ntheura pali Yumoza pera wakamanya kuchita ichi, ndipo Iyo wakachita ichi.

³² Kula kulenderanga, umoyo wakuzirwa ula uwo ukamanya kalikose yayi kweni chitemwa na kuchitanga uweme, ukalendereza kula pakatikati pa Kuchanya na charu chapasi, ukakwezgekerera pachanya kula, kuvurika bengende, mwasoni. Ghanaghanani umo imwe mungaŵira, mwavurika bengende; imwe mungamanya yayi kukhozgeka soni kulinganizgika na uko Chiuta wakaŵa, kulenderanga kula. Ine nkhumanya mphinjika yiri na kanthu kachoko, ngati umo iwo ŵakaŵira na chinyake pa Iyo, kweni iwo ŵakachita yayi icho. Icho chikaŵikikapo waka pa mphinjika, panji wakujambura wakaŵikapo ichi apo. Iwo ŵakavura vyakuvwara Vyake kwa Iyo. Iyo wakavwara munjirira, ndipo iwo ŵakapulura uwu kwa Iyo ndipo ŵakaphangana uwu. Iyo wakakhozgeka soni, mwakufikapo. Kweni, pakuŵa Chiuta, wakayenera kuzizipizga, ndipo ŵakwananga ŵakamuthunyira ku maso Kwake. Kweni, pakuŵa a—kuzama kweneko kwa kujiyuyura, wakayenera kufwa panthazi pa gulu, wakuvurika bengende. Chinthu chantheura chikachitika pa Iyo, mpaka ichi chikapatulanya maji na Ndopa. Ndicho chifukwa . . . Ine nkughanaghana mlembi wakarongosora makora ichi para iyo wakati:

Mkatikati mwa malibwe ghakugumuka na
mitambo ya midima,
Muponoski wane wakasindamiska mutu Wake
ndipo wakafwa;
Kweni chidiko chakujurika chikavumbura
nthowa
Ku vimwemwe vya Kuchanya na dazi lambura
kumara.

³³ Nadi, Iyo wakayenera kuchita ichi. Chidiko chikalendera pakatikati pa munthu na Chiuta, ndipo chidiko chakujurika chira chikavumbura nthowa ya ku vimwemwe vya Kuchanya na dazi lambura kumara. Mphinjika yikung'anamura chinyake,

yikung'anamura vikuru kuruska umo ise tingarongosolera. Nadi.

Kukhalanga wamoyo, Iyo wakanditemwa ine;
kufwa, Iyo wakandiponoska ine;
Kuŵikika mu dindi, Iyo wakayegha
zakwananga zane.

³⁴ Uku kuli kususkika sono. Kwananga kulijeso nkhongono. Para Iyo wakati wachemerezga pa mphinjika, “Kwamara,” kwananga kukafwa! Sono uku nkhwakufwa. Uku kuli kumara. Uku kulije nkhongono. Uku kulije umoyo. Ghanaghanani za ichi, mwaŵanthu. Kwananga kula, murwani ku ŵanthu, nkhwakufwa ndipo kulije umoyo, uku kulije nkhongono. Uku kungachita yayi. Ndicho chifukwa zuŵa likajara kuŵara kwake, nyenyezi zikaŵara yayi, charu chapasi chikaŵa mu mdima, chose chikawomborekanga.

³⁵ Sono uku nkhwakufwa, kuli kuŵikika mu dindi, uku kulije umoyo. Uku kulijeso umoyo mu uwu, ipo uku kukwenera kuŵikika mu dindi. Ntchivichi chikaŵikika mu dindi? Thupi la Chiuta likaŵikika mu dindi, pakuti ili likaŵa sembe ya kwananga. Wakaŵa Mwanamberere wakuwotcheka, uyu wakawotcheka na myoto ya upuyi. Mwanamberere wambura kwananga yura uyo wakamanya kwananga yayi, kuti Chiuta Uyo wakamanya kwananga yayi; Umoyo wake ukaperekeka, ndipo apo pakalendera sembe ya kwananga. “Kuŵikika mu dindi, Iyo wakayegha zakwananga zane.” Iyo wakwenera kuŵikika mu dindi. Thupi, sembe ya kwananga yikwenera kuŵikika mu dindi.

³⁶ Ndicho chifukwa ŵanandi, para pajumpha kanyengo, ŵayendenge, yumoza na yumoza, kuruta ku chiziŵa ichi, kuti ŵabapatizike mu Zina la Yesu Khristu. Chifukwa? Chinyake chachitika. Mzimu ula uwo ukafuma mu thupi lira, para Iyo wakachemerezga, “Kwamara,” wasuska kwananga mu mathupi ghithu. Ndipo ise tikwenera kuŵika mu dindi uku, kuti kureke kukumbukirikaso. Ine ndine wakukondwa chomene kuti ichi ndicho.

³⁷ Para chinyake chaŵikika mu dindi, ichi chabisika, ichi chikuwoneka yayi. “Ndipo kuŵikika mu dindi, Iyo wakayegha zakwananga zane.” Chiuta wangaziwonaso yayi zakwananga zithu munthowa yiriyose, pakuti izi ziri kuŵikika mu dindi. Ziri kuŵikika mu dindi kochi? Mu Nyanja ya Chiruwa. Ghanaghanani za Nyanja ya Chiruwa! Chiuta wangazikumbukiraso yayi izi munthowa yiriyose, chifukwa izi ndi zakufwa ndipo ziri mu dindi. Ichi chingakumbukirikaso yayi munthowa yiriyose. Mulije mu chikumbumtima cha Chiuta.

³⁸ Iyo wakaŵaso a...mu ichi “kuŵikika mu dindi” Iyo wakachiwoneskera mu Chipangano Chakale. Iwo ŵakaŵa na ziŵiri...Iwo ŵakaŵa na sembe ya kwananga pa kutozga malo

ghakupatulika. Ndipo sembe yira ya kwananga yikaŵa yakuti iwo ŵakatora mbuzi ziŵiri, ndipo mbuzi yimoza yikakomeka; ndipo mbuzi yinyake, yikaŵa na zakwananga izo zikaŵa pa mbuzi yakufwa zikaŵikika pa mbuzi yamoyo.

³⁹ Kumbukirani, Yesu wakaŵa Mberere. Iyo wakaŵa Mwanamberere, kweni mu nkhani iyi Iyo wakuzgoka mbuzi. Iyo wakaŵa urunji chifukwa Iyo wakaŵa Chiuta, Mberere. Kweni Iyo wakuzgoka mbuzi, kwananga, mwakuti Iyo wangamanya kuŵa sembe ya kwananga ya ine na imwe; kufuma ku Mberere kufika ku mbuzi.

⁴⁰ Ndipo Yesu wakayimiririka mu vinyama viŵiri, mbuzi ziŵiri: Pakuti yimoza, iyo wakafwa—iyo wakafwa kuŵa mphepisko; yachiŵiri, zakwananga kufuma ku mphepisko zikaŵikika pa mbuzi yakuyezgerera, ndipo mbuzi yakuyezgerera yikatora zakwananga za ŵanthu ndipo yikaruta kutali mu mapopa, kuti yinyamure zakwananga za ŵanthu. Kasi chikaŵa chivichi? Yikaŵa nyifwa na kuŵikika mu dindi kwa Fumu yithu Yesu. “Kufwanga... Kukhala wamoyo, Iyo wakanditemwa ine. Kufwa, Iyo wakandiponoska ine. Kuŵikika mu dindi, Iyo wakayegha zakwananga zane.” Iyo wakaŵika zakwananga za ŵanthu pa Iyomwene, ndipo wakaruta nazo nkhanira pasi chomene ku hadesi. Iyo wakaŵa sembe ya kwananga. Iyo wakaŵa na zakwananga za ŵanthu. Iyo wakaŵafwira iwo. Ndipo kweniso zakwananga zikaŵikika pa Iyo, ndipo Iyo wakaruta nazo kutali zakwananga zithu, kutali chomene mwakuti Chiuta wangaziwonaso yayi izi. Ghanaghanani za ichi! O, Mpingo ungamanya kuchemerezga, “Aleluya chifukwa cha Muponoski wantheura!”

⁴¹ Ntha kugowokereka kwa zakwananga zithu pera, kweni izi zaŵikika mu dindi la Nyanja ya Chiruwa, kuti zireke kukumbukirikaso. “Kuŵikika mu dindi, Iyo wakayegha zakwananga zithu.” Zingakumbukirikaso yayi, pakuti izi ziri kuruta. Izi zikuwoneka yayi ku maso gha Chiuta. Izi ziri kuchita zazi. Izi ziri kusuzurika. Izi ziri kupatika. Chiuta wakuzikumbukaso yayi izi. Vichi? Mpingo ukwenera kuti usekerere mlenji uwu, kumanya kuti zakwananga zithu zizamukumbukikaso yayi. Izo ziri kuŵikika mu Nyanja ya Chiruwa, mu dindi uko kulije chiwuka chirichose. Izi ndi zakufwa muyirayira, ndipo zakuruwika. Izi ziri ngati kuti zikachitikapo yayi. “Kufwa, Iyo wakandiponoska ine.” Kweni, “Kuŵikika mu dindi, Iyo wakayegha zakwananga zane.” Iyo wakaruta nazo kutali chomene mpaka izi zikanjira mu Nyanja ya Chiruwa. O! Ise tikumanya kuti vinthu ivyo vikugomezgeka mwakufikapo pakati pithu, ndipo nadi ivi ndi Unenesko wakufikapo. Ivi ndi Unenesko wa Chiuta. Vinthu vikuruvikuru vyose vira vikaruska marongosolero gha munthu. Ise tingakwaniska yayi kurongosola kuwonga kwithu chifukwa cha vinthu vyantheura.

⁴² Kweni, o, Isitara yira! “Kuwuka, Iyo wakarunjiska kwaulere muyirayira.”

Kukhala wamoyo, Iyo wakanditemwa ine;
kufwa, Iyo wakandiponoska ine;
Kuŵikika mu dindi, Iyo wakayegha
zakwananga zane; (Chira chikaŵa makora.)
Kweni, kuwuka, Iyo wakandirunjiska.

⁴³ Kasi kuwuka kula chikaŵa chivichi? Likaŵa risiti la Chiuta, kuti mtengo walipirika. “Kuwuka, Iyo wakandirunjiska kwaulere muyirayira.” O, Muponoski uli, kuwuka! Kasi Chiuta wakachita vichi? Munthu wangamanya kusuzgika, munthu wangamanya kufwa, munthu wangamanya kuŵikika mu dindi. Kweni Isitara yikaŵa chikuru chomene pa vyose vira, pakuti kukaŵa kuzomerezga kwa Chiuta, “Marango Ghane ghakwaniriskika, vyakukhumbikwira Vyane vyakwaniriskika, yura Ndiyo!” Iyo wakamuwuska Iyo ku ŵakufwa! “Kuwuka, Iyo wakandirunjiska kwaulere muyirayira.” Litumbikike Zina Lake Lituŵa!

⁴⁴ Ndicho chifukwa ichi chikwiziska kujjirika! Ndicho chifukwa mtima wa munthu ungakhala chete yayi! O, na chipulikano chithu chakutheska ise tingamanya kuyimilira kula na kuti, “Ise tarunjiskika muyirayira, kwaulere,” chifukwa Iyo wakafwa ndipo wakaŵikika mu dindi, ndipo Chiuta wakamuwuskaso Iyo pa mlenji wa Isitara. Ntheura, Chiuta wakawoneska kuti Ichi chikazomerezgeka, vinthu vyose ivyo Iyo wakachita. Chirichose chalipirika kwaulere, imwe mungamanya kuruta ŵakumasuka sono! “Kuwuka, Iyo wakandirunjiska kwaulere muyirayira.” O, kulije munyake wangamanya, nthu wangaghanaghana za dazi likuru lira para Iyo wakati wawuka! Ndipo Wangelo ŵakaliwona ili. Mu Machanya kwa kuchanya, Wangelo ŵakimba marumbo gha Chiuta, ndipo ŵakasekerera; apo ŵatuŵa ŵa Chipangano Chakale, mu Paradiso, ŵakachemerezga, “Aleluya!” “Kuwuka, Iyo wakandirunjiska.” Kuchanya kukagwedezgeka, charu chikagwedezgeka, paradiso wakagwedezgeka, ndipo Kuchanya kukagwedezgeka, para Lizgu likuru lira likati lachemerezga. Kufuma mu dindi Iyo wakawuka! “Kuwuka, Iyo wakandirunjiska kwaulere muyirayira.” O, mwe!

⁴⁵ Ntheura ŵatuŵa awo ŵakufwira mwa Iyo ŵangayimba ichi, para ise tikulaŵiska pa uchizi wakuzizisa ula, kula, icho Iyo wakachita. Mukuwona? Chidindo chakuzomerezga na Chiuta! “Kanyengo kachoko ndipo charu chizakundiwonaso yayi Ine, kweni imwe muzamkundiwona Ine, pakuti Ine ndizamkuwuka ku ŵakufwa ndipo ndizamkuŵa na imwe, nanga ndi mwa imwe, kufika ku umaliro wa charu; ngati kukhozgera, na kusimikizga kuti icho Chiuta wakayowoya ntchaunenesko, ndipo icho Ine nkhuoyowoya ntchaunenesko,” Yesu wakayowoya. “Ine ndizamkwiza mu kawonekero ka Mzimu Mutuŵa. Ine

ndizamupanga chikhazi Chane na imwe, na kukhala na imwe muyirayira.” Ntheura watuwa awo wali na chigomezgo icho cha chiwuka mu mtima wawo, wangamanya kwimba sumu iyi:

Pa mlenji wakuwara ula na wambura
mabingu penepapo wakufwira mwa Khristu
wazamuwuka,
Ndipo wazamugawana uchindami wa chiwuka
Chake;
Para wakusoreka Wake wazamuwungana
kuruta ku Nyumba yawo kujumpha mtambo,
(na chisimikizgo cheneko, na Chididimizgo
cha Chiuta, na risiti lakulembeka kufuma
kwa Chiuta Iyomwene.)
Para mazina ghakuchemeka kuchanya,
ine ndamkuwa kwenekula. (O, zanninge
mwaluwiro!)

O, ndicho chifukwa iwo wakati:

Kukhala wamoyo, Iyo wakanditemwa ine;
kufwa, Iyo wakandiponoska ine;
Kuŵikika mu dindi, Iyo wakayegha
zakwananga zane; (O!)
Kuwuka, Iyo wakandirunjiska kwaulere
muyirayira.

⁴⁶ Zakwananga zagowokereka. Sembe zose izi nthena zikaŵa vidokoni, sembe zose izi nthena zikatondeka. Kweni pa mlenji wa Isitara, para Iyo wakati wawuka, Chiuta wakasimikizgira kuti Iyo wakazomera Ichi. Ndicho chifukwa, ichi chikuwutorera mtima wa munthu ku aleluya! Ndicho chifukwa ichi chikupangiska wanthu kuyimirira panthazi pa nyifwa! Chikupangiska wanthu kuchema vinthu ivyo vikaŵapo yayi, ngati kuti vikaŵapo! Kweni chifukwa? “Kuwuka, Iyo wakandirunjiska.” Kasi imwe mukumanya uli kuti Iyo wali kuwuka? Chifukwa, Iyo wawuka mu mitima yithu, tarunjiskika kwaulere muyirayira!

⁴⁷ Pakati pajumpha mazuwa fote, para Iyo wakaŵa chiyimilire, kuyowoyanga ku wana Wake, nkhongono ya kuguza ya charu chapasi yikayamba kutaya nkhongono yake. Milimo yikamalizgika. Chilango chikalipirika. Iyo wakaŵa na risiti mu woko Lake. Likaŵa risiti la Chiuta. Iyo wakaŵa na wana, Mpingo, wakugomezga. Kwananga kose kukathereskeka. Nthowa yikajurika. Iyo wakatondeka kukhala pa charu chapasi munthowa yiriyose. Ntchivichi chikutikolerera pano ise? Nkhongono ya kuguza ya charu. Nkhongono ya kuguza ya charu yikwamba kusweka, iyi yataya kukora kwake. Chifukwa? Yose yikaŵa kuti yamara nyengo yira. Kasi kukachitikachi? Iyo wakayamba kunyamuka kufuma pa charu chapasi.

⁴⁸ “Rutani mu charu chose, ndipo mukapharazge Ivangeli ku chilengiwa chirichose,” chikayowoyeka kufuma mu milomo Yake. “Rutani mu charu chose, ndipo mukapharazge Ivangeli ku chilengiwa chirichose. Iyo mweneuyo wakugomezga na kubapatizika wati waponoskekenge, iyo mweneuyo wakugomezga yayi wasuskikenge. Ndipo vimanyikwiwo ivi viwarondezgenge weneawo wakugomezga. Mu Zina Lane iwo wazamufumiska mizimu yiheni. Iwo wayowoyenge malilime ghaphya. Usange iwo wakorenge njoka panji kumwa vintu vyakukoma, ichi chiwapwetekenge yayi iwo. Usange iwo wawika mawoko ghawo pa warwari, iwo wachirenge. Chifukwa Ine ndine wamoyo . . . Nkhongono ya kuguza ya charu yafumako kwa Ine. Kwananga kukaŵavye nkhongono. Ine nkhamufwirani imwe. Chiuta wakasimikizgira ichi, ndipo wapereka risiti la chiwuka. Ndipo pakuti Ine ndiri wamoyo, imwe muliso wamoyo! Dazi linyake Ine ndizamkwizaso.”

⁴⁹ “Dazi linyake Iyo wafikenge, o, dazi lauchindami!” Ntheura, vichi? Kukhala wamoyo, kufwa, kuŵikika mu dindi, kuwuka, kwiza, chigomezgo cha Mpingo muhanyauno!

Kukhala wamoyo, Iyo wakanditemwa ine;
kufwa, Iyo wakandiponoska ine;
Kuŵikika mu dindi, Iyo wakayegha
zakwananga zane;
Kuwuka, Iyo wakandirunjiska kwaulere
muyirayira:
Dazi linyake Iyo wafikenge—o, dazi
lauchindami!

Kasi chikaŵa chivichi? Vintu fayivi mu vilembo vinkhonde,
J-e-s-u-s.

Kukhala wamoyo, Iyo wakanditemwa ine;
kufwa, Iyo wakandiponoska ine;
Kuŵikika mu dindi, Iyo wakayegha
zakwananga zane.
Kuwuka, Iyo wakandirunjiska kwaulere
muyirayira;
Dazi linyake Iyo wafikenge—o, dazi
lauchindami!

⁵⁰ Ise tikulindizga Kwiza Kwake Kwachiwiri!

Ndipo milenji yinyake iyi yakuwara na
yambura mabingu para wakufwira mwa
Khristu wazamuwuka,
Ndipo wakugaŵana uchindami ula wa
chiwuka;
Para wakusoreka Wake wazamuwungana ku
nyumba zawo kujumphama mtambo,
Para mazina ghakuchemeka kuchanya, ine
ndamkuwa kwenekula.

Chifukwa? Ine ndiri nalo risiti. Iyo wakawuka! Kasi imwe mukumanya uli? Iyo wakukhala mu mtima wane. Iyo wakukhala mu mtima wa mpingo Wake wakugomezga.

⁵¹ Ghanaghanani za ichi, wabwezi. Chiziwa chiwenge chakunozgeka mu nyengo yichoko waka, chiri na maji ghakufunda, ku chisopo cha ubapatizo, para ise tawerako waka.

Tiyeni tisindamiske mitu yithu sono pa kanyengo waka.

⁵² Ine nkhumanya yayi muhanyauno, usange walimo yumoza pakati pithu, panji wanandi awo wachali wandawonge Sembe iyi mwakukwanira kuti wayizomere Iyi, ndipo imwe mukukhumba kuti mukumbukirike mu lurombo, kuti Chiuta wayowoyenge mwachilendo ku mtima winu, kuti imwe muzomerenge Sembe Yake, kutozgeka kwa uzima winu.

⁵³ Ndipo kumbukirani kuti muhanyauno ise nthā tikukondwerera nyengo waka yakuti tivware vipewa viphya na kuvwara malaya ghaphya; cheneicho chiri makora, ndi chimanyikwiro cha chinyake chiphya. Chiuta wakachita chinyake chiphya. Cheneicho, chiri makora. Nthā ndi icho pera. Isitara nthā yikung'anamura icho. Panji, kuzengeranga wakalulu wa Isitara panji masumbi gha kalulu, na nkuku zichokozichoko zituwa, na vinyake ntheura, ndiyo fundo yayi, m'bale.

⁵⁴ Isitara ndi kutonda, ndi kutonda uko Chiuta wapakereka ku charu chapasi, kuti Iyo wakawuska Mwana Wake Yekha ku wakufwa. "Kuti waliyose uyo wakugomezga mwa Iyo, waparanyikenge yayi, kweni wawenge na Umoyo Wamuyirayira."

⁵⁵ Chiwuka chingamanya kuwa mu umoyo wako wamwene. Usange imwe mulije ichi, uli imwe mukwezge woko linu kwa Iyo mlenji uwu, apo imwe muli na mitu yinu yakusindama, kuyowoyanga kwizira mwa ichi, "Chiuta, mundikumbukire ine, Umoyo ula wa chiwuka, nkhuromba Uwu uwe mu mtima wane." Uli iwe ukwezge woko lako ndipo yowoya, "Mundirombere ine, M'bale Branham, apo ine nkukwezga woko lane"? Fumu yikutumbike iwe. Fumu yikutumbike iwe. Kasi ulipo wamunyake ukwezgenge woko lako, kuti, "Mundirombere ine, m'bale, ine nkukhumba kuti ndiuzomere Umoyo uwu wa chiwuka"?

Pa mlenji ula wakuwara na wambura mabingu...

Ghanaghanani za ichi sono apo ise tiri...?...

...Khristu wazamuwuka,
Ndipo wakugaŵa uchindami ula wa chiwuka
Chake;

Para wâkusoreka wâzamuwungana
mumphepete mwa Mronga,
Para mazina ghakuchemeka kuchanya, ine
ndamkuwa kwenekula.

Para mazina ghakuchemeka kuchanya,
Para mazina ghachemeka kuchanya,
Sono usange imwe mukupanikizga makora
yayi, nozgani ichi, sono.

...ghakuchemeka kuchanya,
Para mazina ghakuchemeka kuchanya, ine
ndamkuwa kwenekula.

Tiyeni timutumikire Bwana kufuma...(Ichi
ntcha kwa imwe watuwa)...zuwa,
Tiyeni tiyowoye...

⁵⁶ Sono, imwe mwaŵeneimwe ndimwe Wakhristu,
mukukhumba kuti mupange lumbiro kwa Chiuta, kuti
mumutumikirenge mwapakuru; zanginge, kwezgani woko
linu kwa Iyo.

Ndipo mazina ghakuchemeka kuchanya,
ine ndamkuwa kwenekula. (Fumu
yimutumbikeni imwe.)

Para mazina...(Para mazina ghakuchemeka
kuchanya, ine ndamkuwa kwenekula.)
Para mazina ghakuchemeka kuchanya,
Para mazina ghakuchemeka kuchanya,
Para mazina ghakuchemeka kuchanya, ine
ndamkuwa kwenekula.

⁵⁷ Chiuta wakutemweka, Imwe mwawona mtima uliwose
mkati muno, ndipo Imwe mukumanya vyakukhumba na
vyakulinga. Ndipo ine nkhuromba lusungu. Chiuta, perekani
ichi, kuti lusungu liwoneskeke ku wanthu aŵa. Iwo wafika
mlenji uwu ku ora ili la kusopa. Iwo wafika ku—ku malo agha
kuti wapulike Mazgu Ghinu.

⁵⁸ Ndipo umo ise tayowoyera, kuti, para Imwe mukakhala
umoyo, kukaŵavye umoyo ngati Winu. Kufwa, Imwe mukaŵa
Mwekha pera Uyo wakamanya kufwa mu kaŵiro kala.
Para Imwe mukati mwaŵikika mu dindi, Imwe mukayegha
zakwananga zithu; kuwa na zakwananga za wanthu pa
Imwe, Imwe mukaruta nazo ku Nyanja ya Chiruwa. Kweni,
kuwuka, Imwe mukatirunjiska kwaulere muyirayira. Ndipo ise
tayimirira, muhanyauno, kulindizganga Kwiza Kwinu.

⁵⁹ Chiuta, watumbikeni iwo. Tivwireni ise. Ise tikumanya kuti
tirije nyengo yikuru, pakuti ichi chiri waka pa muryango. Ndipo
waliyose...Ndipo ora limoza kufuma sono, kwakulingana
na wasayansi, vyaru vingamanya kuparanyika. Ndipo ise
tikuromba, Chiuta, apo ise tayimirira, mlenji uwu wa Isitara

kufupi chomene na Kwiza Kwake, chigomezgo cha Mpingo. Masauzandi ghanandi ghali chigonere uko mu dongo la charu chapasi, kulindizganga ora lira, mauzima ghawo pasi pa guwa, ghakulira, “Mpaka pauli, Fumu? Mpaka pauli?” Ine nkhuromba, Chiuta, kuti Imwe mutiyowoyiskenge ise. Ndipo tiyeni tikumbukire kuti kwali ise tikuchita vichi pa charu chapasi pano, ichi ntchichoko chomene. Ndipo chinthu chimoza pera icho ise tingachita sono, ndi kulindizga Kwiza Kwinu, na kuphalira waliyose. Uthenga ngwachanguchangu. Nkhuromba ise tiufikiske uwu ku ŵanthu, mwaluŵiro, kuti panyake Imwe mungiza pa nyengo yiriyose. Pambere mabomba agha agho iwo ŵakuyowoya, na mizinga iyi, agho ghangamanya kuŵa kupunguka kwa masauzandi gha igho pa charu chapasi mu miniti yimoza; pambere icho chindachitike, Imwe muli kulayizga kuti mwizenge, Fumu, kuzakatora ŵanthu Ŵinu. Ichi chizamkuŵa mwantheura, Fumu, Ntheura, pafupifupi miniti yiriyose, chiwuka chingamanya kuchitika, Isitara ku Mpingo; chiwuka kufuma ku umoyo wakwananga uwu, kufika ku Umoyo Wamuyirayira, kwizira mwa Khristu. Pulikani malurombo ghithu.

⁶⁰ Ndipo muhanyauno, apo ise tikurutirira mu visopo vinyake, mu chisambizgo cha Sande sukulu, O Fumu, yowoyaniso, ndipo nkhuromba mitima yinandi yichenjezgeke mwachilendo. Ndipo nkhuromba iwo ŵafike mwa madazeni, mu chiziŵa ichi mlenji uwu, mlenji uwu wa Isitara, kuti ŵaŵikike mu dindi pamoza na Fumu Yesu, kuzomeranga Sembe Yake. Palije kanthu kwali iwo ŵali mu mpingo uli, panji kwali ndi chigaŵa uli cha wenenawene wa usopisopi iwo ŵali nacho, icho chikung’anamura kanthu yayi. Kweni kasi iwo ŵayizomera Sembe yira? Kasi iwo ŵakuzomerezga kuti iwo mbaweme yayi, kuti Yesu wakaŵa Yekha pera muweme? Ndipo Iyo wakatifwira ise, m’ malo mwithu. Ndipo Iyo wakatora zakwananga zithu ndipo wakaziŵika mu dindi, ndipo ise tayimilira mwa Iyo. Mipingo yithu yingaziŵika mu dindi yayi zakwananga zithu, umoyo withu taŵene ungaziŵika yayi mu dindi zakwananga zithu, kweni Khristu wakaŵika zakwananga zithu mu dindi la Nyanja ya Chiruwa. Chiuta, perekani sono mwakuti vinthu ivi wiŵe vya uchindami mu maso Ghinu.

⁶¹ Ntheura usiku uwu, Fumu, nkhuromba Imwe mufike mu nkhangono ya chiwuka Chinu, ndipo gwedezgani malo ghachoko agha ngati kuti igho ghandagwedezgekepo. Nkhuromba vimanyikwiro na vyakuziziswa viwonekere. Werezganipo ichi, ngati ndiumo kukaŵira Masabata ghaŵiri ghajumphu, Fumu, apo ŵarwari na ŵakukomwa ŵakachizgika mwakuziziswa. Ise tikuramba kuti ichi chiŵekoso usiku uwu, ku uchindami Winu, Fumu.

⁶² Mutigowokere ise ku majuvyo ghithu sono, Fumu, ndipo mphanyi iyi, wiŵe Isitara yeneko ku ŵanji ŵa ise, Isitara yeneko

kwa ise tose. Ndipo wânji wâ iwo weneawo wândamanye icho vitumbiko vya Isitara vikaŵa, mphanyi kuwêko muhanyauno kuti Khristu wauka mu mtima wawo, na chigomezgo chiphya, na Umoyo uphya. Wârongozgereni iwo ku Mphinjika. Pakuti ise tikurumba ichi, mu Zina la Yesu. Amen.

⁶³ [Pa tepi palije kalikose—Munozgi.] . . .kuti wâwê na nyengo iyi ya wenenawene. Kasi mbalinga wâ imwe mukuyitemwa Fumu? Kwezgani waka muchanya woko linu. O, mwe, icho ntchiweme!

⁶⁴ Ine nkhupulika kuti iwe uli na mwana kuti timupatulire, M'bale McDowell. Iwe ufikengeso ku chisopo cha Sande sukulu, uchitenge iwe? Yewo, icho chiwenge chiweme. Apo ndipo ise tizamuŵapatulira wabonda na wanyake nthaura, pa nyengo yira, usange imwe mudandaulenge yayi, icho chiri makora.

⁶⁵ Ndipo nthaura sono, ise tilifumiskenge gulu ku nyengo zichoko, mwakuti imwe mungamanya kuruta ku malo kwinu na kukaŵa na chakurya chinu chamlenji, pamanyuma mukizeso. Ise ndise wâkukondwa kuti mwanguŵa kuno.

⁶⁶ Ndipo sono, tiyeni tiyimirire waka. Ndipo sumu yeneyira iyo tanguŵa nayo nyengo yichoko yajumpha, "Pa mlenji ula wakuŵara na wambura mabingu. . ." Kasi mbalinga wâli na chigomezgo icho mwa iwo? Tiyeni timuwoneni imwe mukukwezga woko linu. Yimirirani.

. . . wakuŵara ula na wambura mabingu. . .

Yimbani iyi sono.

. . .para wâkufwira mwa Khristu
wâzamuwuka,
Ndipo wakugaŵa uchindami wa kuwuka
Kwake;
Para wakuponoskeka wâ charu chapasi
wâzamuwungana kusirya Linyake,
Ndipo mazina ghakuchemeka kuchanya, ine
ndamkuŵa kwenekula.

Para mazina ghakuchemeka kuchanya,
Para mazina ghakuchemeka kuchanya,
Para mazina ghakuchemeka kuchanya,
Para mazina ghakuchemeka kuchanya, ine
ndamkuŵa kwenekula.

⁶⁷ Sono, apo ise tikwimba vesi lakurondezgako:

Tiyeni timutumikire Bwana, kufumira mlenji
mpaka kutchona kwa zuŵa,
Tiyeni tiyowoye, (nthâ za vinthu vya charu
kweni,) tiyeni tiyowoye za vyakuziziswa
Vyake vyose, chitemwa na chisamaliro.

Apo ise tikuchita ichi, koranani chasa na munyake kumanyuma kwinu, kunthazi kwinu, kulwandi kwinu. Tiyeni

tose tichite icho sono. Yowoyani, “Monire, mubwezi Mukhristu, ine ndine wakukondwa kuwa mu tchalitchi na iwe.” Viri makora.

Tiyeni timutumikire Bwana kufuma . . .
 . . . za chitemwa Chake chose chakuziziswa na
 chisamaliro;
 Ntheura para umoyo wose wamara, ndipo
 ntchito yithu pa charu chapasi yachitika,
 Ndipo mazina ghakuchemeka kuchanya, ine
 ndamkuwa kwenekula.

Para mazina ghakuchemeka kuchanya,
 Para mazina . . .
 . . . kuchanya,
 Para mazina ghakuchemeka kuchanya, ine
 ndamkuwa kwenekula.

Chifukwa? Kasi ise tamkuwako uli kula? Chifukwa:

Kukhala wamoyo, Iyo wakanditemwa ine;
 kufwa, Iyo wakandiponoska ine;
 Kuwikika mu dindi, Iyo wakayegha
 zakwananga zane;
 Kuwuka, Iyo wakandirunjiska kwaulere
 muyirayira:
 Dazi linyake Iyo wafikenge—o, dazi
 lauchindami.

Para mazina ghakuchemeka kuchanya, ine
 ndamkuwa kwenekula. (Ise tiri nalo risiti.)
 . . . mazina . . . kuchanya,
 Para mazina ghakuchemeka kuchanya,
 Para mazina ghakuchemeka kuchanya,
 Para mazina ghakuchemeka kuchanya, ine
 ndamkuwa kwenekula.

Tiyeni tisindamiske mitu yithu.

⁶⁸ Fumu, mlenji unyake wakuwara na wambura mabingu, para ise tikuwona chiwingavura chikuru chikunjira mu mtambo (chimanyikwiro cha phangano la Chiuta, phangano lambura kumara: Iyo wali kusunga phangano Lake.), ntheura ise tizamulawiska, wakwiza, ndipo madindi ghazamujurikanga, ndipo iwo weneawo wakugona tulo mu dongo la charu chapasi wazamuwuka kugawana uchindami wa Isitara yakudankha na Iyo, Uyo wakapanga ichi kuwa chamachitiko, Fumu yithu. Nkhumuwongani Imwe chifukwa cha icho, Fumu. Ine ndine wakukondwa chomene, Fumu, chigomezgo icho chiri mu chifuwa chane. Pakuti ine nkhuwona mapewa ghane ghakubwanthuka, Fumu, ndipo—ndipo uchekuru wayamba kunisanga; ine ndiri pachanya pa phiri, kulawiskanga kula sono. Fumu, ine ndiri wakukondwa chomene kuti chigomezgo chira chikugolera mkati mwane. Dazi linyake Imwe muzamkwiza.

Ine ndine wakukondwa chomene kuti muli wânandi muno muhanyauno awo wakupulika mwantheuraso.

⁶⁹ Ine nkhuromba, Fumu, kuti Imwe mutipenge ise dazi likuru, muhanyauno, mutigowokere ise ku kwananga kwithu kose, apo ise tikuvumbura kwananga kwithu, na kuzomerezga kuti ndise wambura kwenerera. Kweni nyifwa ya Khristu, kuwîkika mu dindi, chiwuka, vikasimikizgira kwa ise na Mzimu Wake uwo wauka mu mitima yithu, kutipanga ise kuwa wakusangana na chiwuka Chake, ndipo ise tiri nacho chikhole cha chiwuka chithu mu mitima yithu sono. Chifukwa kufuma ku kwananga, ise tiri kufwa, ndipo tiri kunjira mu Umoyo uphya, ndipo tiri kuwuka ku vinthu vyakale vya charu kufika ku Umoyo uphya. Ichi ndi chikhole, malipiro ghakwambilira, O Fumu, ichi ndi— ichi ndi chikhole cha chiwuka chithu.

⁷⁰ Ise ndise wakukondwa chomene kuchipulika ichi na kusekerera ichi pa yumoza na munyake. Vinthu ivi, ise tikukoreska ngati mausambazi ghakuru gha mitima yithu, chinyake icho kulije ndalama yingamanya kugura, charu chingafufuta yayi, chifukwa Chiuta wakapereka kwa ise kwaulere, kwaulere umo Khristu wakafwira ichi.

⁷¹ Sono, ise tikuromba kuti Imwe muwenge nase mlenji uwu. Tivwireni ise, sono, na ku kupumura nyengo zichoko, na kwizaso. Mutipe chisopo chikuru chakurondezgako. Pakuti ise tikuromba ichi, mu Zina la Iyo, Uyo wakatisambizga ise kuromba pamoza:


Wadada withu Imwe muli Kuchanya,
Litumbikike Zina Linu.

Ufumu Winu wize. Kukhumba Kwinu
kuchitike pa charu chapasi, umo kuliri
Kuchanya.

Mutipe ise dazi ili chakurya chithu cha dazi
lirilose.

Ndipo mutigowokere ise kwananaga kwithu,
umo ise tikuwagowokera weneawo
wakutinangira ise.

Ndipo mungatirongozgeranga mu kuyezgeka,
kweni mutithaske ku uheni; pakuti Ufumu
Ngwinu, na nkhangono, na uchindami,
muyirayira. Amen.

⁷² Fumu yimutumbikeni imwe, sono, mpaka ise tizakamuwoneniso, mu pafupifupi a...pa nayini-sate. Imwe koranani chasa yumoza na munyake; ndipo ise timuwoneninge imwe pa nayini-sate. 

59-0329S Kukhala Wamoyo, Kufwa,
Kuŵikika Mu Dindi, Kuwuka, Kwiza
Branham Tabernacle
Jeffersonville, Indiana U.S.A.

CHITUMBUKA

©2024 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuvikirika. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili nthu lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS, MALAWI OFFICE
P.O. Box 51453, LIMBE, MALAWI

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.

www.branham.org